

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۳۵) غروشدر. ممالك اجنبیه ده
سنه لکی (۱۷)، التي آیلغی (۹) فرانقدر.
[ایضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر.
§ آدرس تبدیلنده قرق پاره لك
پول كوندرملی در.

§ مسلكه موافق آثار مع الممنونیه
قبول اولنور. درج ایدیلمه یین یازیلر
اعاده اولونماز.



اخطارات

رساله مزدن آلندیغی کوسترلك شرطيله
بتون یازیلر هر هالکی بر غرتة طرفندن
اقتباس اولونه بیلیر.

§

مکتوبلرك، امضالرك واضح و اوقوناقلی
اولمسی و آبونه صره نومروسنی محتوی
بولونمسی؟

§

ممالك اجنبیه ایچون آبونه اولانلرك
آدرس لرینك فرانسیزجه سی ده یازلمسی؟

§

پاره كوندردلیکی زمان نه یه دائر اولدیغنك
واضحاً بیلدرلمسی رجا اولنور.

قناعتیه اولوب کیتمشلردر . بو کون هند و چین ده اهمیتلیجه برکتله بشر حالا بو عقیده نی بسله میورلرمی ؟ . . .

تناسخ فکرینک صنعتکار لوحه لرینی تصور ایتمک ایچون اوویدک (Ovide) اثرنده کی ماصالیری اوقوملیدر . تناسخ فکری ادیان سماویه منسوبلری آره سنده بیله آز چوق تعدیلاتله ینه جای قبول بوله بیلیمشدر . توراتک محرف صحیفه لرنده بوفکرک رنگلره بورونمش فیلز لرینی بولمق ممکن در . فی الحقیقه نیوبه (niobé) نک مرمره ، لوطک زوجہ سی ئه دیتک (édithé) طوزدن بر هیکله تحول ایتملری تناسخ فکرینک استحاله سندن باشقه نه صورتله ایضاح اولنه بیلیر .

غریبدرکه محرف توراتک کهنه صحیفه لرندن برچوق خرافه لر ، کتب اسلامیه ده صوقوله بیلیمشدر . فضله معلومات کوسترمک غیر تنده بولسان آز دوشونچی برچوق مؤلفر بوکی خرافه لری عیناً نقل ایتمکده بر بئاس کورمه مشلردر . حالبوکه بونلرک مضرتی بو کون اساس اسلامیتی صارصه جق ، برچوق مسلمانی دینلری حقنده شبهه یه دوشوره جک قدر بارز و تهلمکلی بر شکل آلمشدر . بوکی خرافه لرک تمیز لشمه سنه چالیشمق ، ارباب اقتدارک اک مهم واک مقدس وظائف دینه سندن اولدیغی بوراده برداها تکرار ایتمک لزومنی حس ایدیورز .

تناسخ ، روحک بر جسدن دیگرینه انتقالی ، تعیردیگرله روحلرک مهاجرتی دیمکدر . تناسخجیلره کوره اجساد روحلرک بر قالبی کیدر . عینی بر روح مختلف جسدلره کیره رک اونلره افاضه حیات ایدر . بوکون بر قالبه افاضه حیات ایدن بر روح بر مدت صوکره باشقه بر قالبده ، باشقه بر جسدده تجلی یاب ظهور اولور . بو مختلف قالبلرک یکدیگرلرندن فرقی یالکیز اشکال خارجه لرنده در . چونکه هپسندکی قوه محرکه ، یعنی روح ، بر در .

کوریلورک تناسخ ، ابدیت روح فکرینک ابتدائی بر نتیجه سیدر . اقوام قدیمه معتقدانده ، اسکی فیلسوفلرک مسلک لرنده - استثناسز اوله رق - ابدیت روح فکرینک آز چوق متحول اشکالی کوریه بیلیر .

ابوالمورخین هرودوتک دیدیکی کی ، ابدیت روح فکری اک اول مصریلر طرفندن اورتایه آتیمشدر . تناسخ (métempsychose) نظریه سنک ده ینه مصریلرک تخیلاتندن اولدیغنده شبهه یوقدر . نیل ساحل لرینک بو قدیم ساکنلری . انسان اولدکن صوکره روحنک در عقب دیگر بر حیوانک بدننه داخل اولدیغی اعتقاد ایدیورلردی . فقط ینه اونلرک عقیده سنه نظراً ، بوروح او حیوانک جسدنده پایدار اوله رق قالمزمش . او حیوان اولور اولمز روح بو دفعه ده باشقه بر حیوانک جسدینه انتقال ایدرمش . بو صورتله عینی بر روح یر یوزنده ، هوا داخلنده ، صولر دروننده یاشایان حیوانلرک قالب لرینی دولاشدقن ، اوچ بیک سنه قدر امتداد ایدن مدید بر مهاجرتدن صوکره ینه بر انسانک جسدینه عودت ایدر ، او انسان اولدیکی

زمان یکی باشند تکرار اولکی کی اوزون بر مهاجرت باشلارمش . روحلرک شوصورتله دوری اوله رق بر مهاجرت اجرا ایتمک لری حقنده کی عقیده ، اجرام سماویه نک حرکات دوریه سندن ملهم اولدیغی تخمین ایده بیلیرز . فی الحقیقه تناسخ ارواح نظریه سی ، اجرام سماویه حقنده کی دور هیئتی نک حیات بشره تطبیقندن باشقه برشی دکلدر .

نیل ساحل لرنده یاشایان انسانلرک تاریخ تکامل دینیسی تدقیق ایدلریکی زمان آکلاشیلورکه قدیم مصریلرک ابدیت روح حقنده کی بوقابفکرلرینه بالآخره داها باشقه شیلرده علاوه ایدلمش در . فی الحقیقه پلوتارکک (Plutarque) روایتنه نظراً مصریلر آمانتس (amenthès) نامنده برده (دیاراموات) بولندیغنه واوزیریسک سراییس (Sérapis) عنوانی آلتنده بو ایمپراطورلقده فرمان فرما اولدیغنه قائل ایمشدر . اهراملرک سینئه سنکینندن چیقاریلان مومیا صندوقه لرندکی رسملر پلوتارکک شو روایتی تأیید ایده جک ابدنمون وثیقه لردن معدوددر .

پورفیز (Porphyre) قدیم مصریلرک بر دعاسندن بحث ایدیور : بعدالموت روحلرینک ابدی معبودلر آره سنه قبول ایدلمه سی نیازندن عبارت اولان بو دعا ، تناسخ عقیده سنک بالآخره مصریلر آره سنده داها باشقه شکلره بورونمش اولدیغی کوسترمکده در .

تناسخ عقیده سی مصرده متعدد شکلر آلدقن صوکره . یونان فیلسوفلرینک ولود دماغلرنده داها رنگین ، داها خیالی کسوله ره بورونمشدر . هند وایران طرفلرنده ایسه داها زیاده ناسوتی بر شکل اکتساب ایلشدر . مقالات آتیه مزید ده بو عقیده نک هند ، ایران و یونان اقوامی آره سنده اوغرا دینی تحولاته حصر ایده جکز .

م . شمس الدین

فرید وجدی نک آتارندن :

روح انسان

فلسفی ، علمی بر بحث

روحک موجودیتی ، ابدیتی شبهه سز مسائل فلسفیه نک اک مدهشی در . فلسفه نک مختلف جریانلری مسأله نک حل ایچون عصرلر دنبری چار - پیشمقدمه در . چونکه روح ، انسانک قلبی ایله اک زیاده علاقه دار . انسانک قلبی ایله ، شئون ایله اک زیاده مرتبطدر . اوهت روح ، انسانک عالم حسدن مأیوس اولدینی آنده آمالنه اطمینان بخش ایدن ، موجودات مادیه فسحتسرای آمالنی استیجاب ایده مدیکی زمان انسانک بتون طاتلی رؤیالرینه معکس تجلی اولان سر اعظمدر .

انسان باشلی باشنه قوجه بر عالم حیرت انکیز تشکیل ایدیور . قوه عقلیه نک نامتاهی تکاملاتندن نصیبه دار اولان بو مخلوق قوانین

دلیل عد ایدر لر. « انسان ایچون خلود اولمه یی طبیعت اوکا اوشموری بخش ایتزدی. طبیعتک بوتون اعمالده اسراف کورلمه مشدر » دیر لر. بز شمدی خلودی أدله قاطعه ایله اثبات ایتمه قالدیشیورز. چونکه اعتقاد خلود ؛ ارکان اخلاقی ترصین ایدن، انسانی بهیمیتدن متعالی ایدن یکانه عاملدر.

چشم امعائزک قارشیمسه ایکی آدم قویلم. بری منکر خلوددر، یعنی جسمک بعدالموت تحلیل ایتدیکی، زوال بولدیکی، هر درلو اعمال عقلیه نک، ترقیات نفسانیه نک. تکامل صوری ومعنوی نک محو اولدیکی اعتقادنک. دیکری مثبت خلوددر، یعنی آنک نظر نک موت دار اعمالدن دار جزایه انتقاددر. دار جزاده هر انسان اعمال دنیویه سنه کوره محاسبه ایدیلدکن صکره جمال معنوی نک رهبری فیاضیه کمال نامحدوده عروج ایده چکی اعتقادندهدر.

شمدی بویکی آدمک حاللرینی تدقیق ایده لم. عیبارنجیمی ضلالت، رداعت، شاعت. غیالرینه سقوطنه مانع اولاجق برقوته مالکیمی؟ کندی منکرات وابطیل متنوعهین ارتکاب ایتمکدن زجر ایده چک برقدرتنه صاحبمی؟

فی الواقع بعض ملحدلر هیئت اجتماعی نظرنده فضیلت صاحبی صایلیورلر؛ فقط اونلرک فضیلتی؛ بر فضیلت ظاهریه درکه اصلاسینه روحدن قویمش دکلدر. او فضلیق او نوع انساندرده انحق جمعیتدن اوتامق. قوانین وشرائطک سطوتندن قورقمق حسنی ابقا ایدیور، یوقسه اونلر سربست قالدقلری یرلرده هتک عرضدن، وسائر هر درلوشناعتی ارتکاب ایتمکدن قاجازلر. چونکه شهوت بهیمیه نفس اوزرینه حاکم کسلیورسه صاحبی دائما دنی شیلره سوق ایدر.

بز روحک انسانی تقید ایده چک برقدرت ذاتیه به مالک اولدیغنه معتقدز. روح بر عالم علویدن هبوط ایتدیکی ایچون دائما علویانه، دائما کلماته منجذبدر. فقط روحلرینی جسدلری اوزرینه حکمران ایدن انسانلریک نادرلردر، چونکه بومسأله شدتلی بر ریاضت نفسیه به مفتقر درکه روحک خلودینه اعتقاد ایتیه نه پک مشکل اولور.

خلود روح عقیده سی انسانی هر درلو قباحلردن مصون ایدر دییورز. روحک مأوی تأثرات وتحسسات، پناه ایمان واطمئنان اولدیغنی افهامه چالیشیورز.

انسان غیای ضلالت دوشه چکی آنده روح آنی تحلیلص ایدر. روح، انسانک اشه افکار وآمالی. نامتناهیک عالمه سوق ایله فطرنه انکشاف بخش ایدر.

روح، انسانی فاضل ایدر بوفضیلت عذاب. قورقوسندن دکل، انحق فضیلتک بالذات تأمین ایتدیکی اذواق ولذت معنویه نک شدتله حس ایدله سندن، بوحسک ابتذال وعادیته ترجیح اولونماسندن انبعات ایدر. فی الحقیقه کندیسی بر حیوان قانی دن عبارت بیلن انسانده فضیلت

نامنه برشی یوقدر.

القاهره:

عمر رضا

دوام ایده چک

طبیعیته نک اسیری اولدیغندن ازلی قانونلری تنقید ایتمه قالدیشیور. انسان انواع کالاتی ادراک ایده بیلیمک ایچون بیوک طویغولره مالک ایدلمشدر. بونکچون عدالت، مرحمت، ایملک، محبت، فضیلت بی انواع کالاتی حالات مطلقه سنده مشاهده ایدر. وهر عدالتک ارقه سنده ذها بیوک بر عدالتک، هر مرحمتک، کوزمه لایک، محبتک دها شمولی معناسی اولدیغنه قانعدر.

انسانک مختلف حرکات نفسانیه سی وارد. مثلاً انسان قوشار، اوینار، ترنم ایدر، منشرح اولور، محارب اولور، سخی یاخودنجیل اولور. متکبر یا متواضع اولور. حکیم اولور منافق اولور، کندی شخصه تملق ایتمکدن بشقه برصفت مالک اولمیدی، کندی لذتندن بشقه سنه عبادت ایتدیکی ظاهر اولور. فقط بو اویله بر خیالدرکه صاحبی حقیقت حالدن دور ایدر. چونکه انسانک صفاتی هر نقدر تعدد ایله روحنه قارشى لاقید بر صورتده کورونورسده اونک روحی، قلبی ایله ک زیاده مرتبط، قوه عقلیه سی اوزرینه ک بیوک تأثیری اجرا ایدن مؤثردر. انسانک اولومدن قورقمسی، امراض وعللدن اؤرکمی، کندی شخصه تملق، منفعت ذاتیه سی ارقه سنده قوشمسی روحنه اهتیم ایتدیکنک ک بیوک دلیلدر. بو احوالک جمله سی سطحی النظر اولمایانلره، سطحی ظواهره الدانایانلره نمایاندر.

هیچ بر انسان وارمیدرکه اولومندن یعنی جسمانی انحلاله اوشرا. دقدنصرکه کی عاقبت امرینی دوشونمسون؟ ظن قاصر مجه هیچ بر انسان یوقدرکه بو فکرندن مجرد اولسون. چونکه هر حادثه نک وقوعی آنی دائما حیات مستقبله سی دوشونمکه سوق ایدر. فی الواقع حیاتک متعدد فلا کتلی بعض انسانلری روح مسأله سی دوشونمکدن آلیقویار. فقط بر انسان خسته لیدی آنده بتون مشاعری، بتون حواسی اویانیر وخسته لکنک نتیجه سی اولوم اولور ایسه نه اوله جفی دوشونمکه باشلار. ایشه عقائد ثابته اصحابه او آنده عالم ابدیدن بر نسیم اطمئنان هبوب ایده رک قدره سرفرو، وحق تعالی نک مرحمت سبجانیه سنه انتظار ایتدیرر. فقط علمی اشتباهلرک تأثیرله عقللری بزیشانلاشان انسانر، اودقیقه خطرنا کده ابدیتی اثبات ایتک ایچون أدله عقله تحری ایتمه باشلر لر وهر بر دلیل عقلیه راست کلدکلری آنده یوزلرنده علامت سرور نمایان اولور. فقط ایمانلرینی، علمی اشتباهلر تمایله ازاله ایدوب نور فطرت قبلرنده سونوک اولان آدملر اولظه ده مایوسیتک خسراتی ایچنده بویان اولدقلری حالده عتاقی استقبال ایدر لر. بر علیمک کندی کندی اولدورمه سی، چوق طویولمش شیلردندر. فی الحقیقه بو کبی آدملر کندیلرینی مرضک شدتندن دکل، بالمکس یأسک مهلاک نچلرندن، عدم آباد فنانک ظلام ابدیسنده دائما منفی قالمق فکرندن قورتولمق ایچون اولدی مشلردر.

مخلد اولمق حسی، انسانه بو اراض سافلک طبیعتندن دهامترقی بر طبیعتدن بار اولدیغنی اشعار ایتدیکی ایچون شبهه سز اک عالی حسدر. بعض فیلسوفلر بوحسک موجودیتی، خلودی اثبات ایتک ایچون اک بیوک